

《大乘起信論導讀》 補充講表

◎附表九：以下糅合《大乘起信論裂網疏》、《大乘起信論疏記會閱》

○心生滅者，依如來藏，故有生滅心。（如來藏請參考附表五第三頁，附表六第二頁）

※《大乘起信論疏》云：「謂不生滅心，因無明風，動作生滅，故說生滅心，依不生滅

心。此二心，竟無二體，但約二義以說相依。如不動之水，為風所吹而作動水；動靜雖殊，而水體是一；亦得說言依靜水故，有其動水。」

○所謂不生不滅，與生滅和合，非一非異，名為阿黎耶識。

※《大乘起信論疏》云：「不生滅與生滅合者，是上如來藏自性清淨心，動作生滅，不相

離故。故云：和合。非謂別有生滅，來與真如合。」

◆此生滅、不生滅，雖有二義，但實二體。即合此二義不二之心，名為阿黎耶識。

○所言覺義者，謂心體離念；離念相者，等虛空界，無所不遍：如來平等法身；

※《大乘起信論裂網疏》卷二云：「心者，即指眾生現前介爾心也。離念者，謂此無漏種子，雖復依附本識，而非本識所能緣也。等虛空界無所不遍者，謂此無漏種子，性順真如，非有方隅形相可局也。法界一相者，謂此無漏種子，既順真如，即與真如法界，同一不思議相也。」

○依此法身，說名本覺。何以故？本覺義者，對始覺義說。以始覺者，即同本覺。

※《大乘起信論疏》指出「本覺者，以對始覺之義，故說，而名為本覺。」本覺即性德。

※《大乘起信論裂網疏》卷二云：「何得名為始覺？故今答曰：依本覺有不覺，如水成冰，依不覺說有始覺，如冰始泮而為水也。」

◆眾生本來不覺，以內因真如熏習之力，外藉師教之緣，創然而覺，故名「始覺」。

而此「始覺」，由本覺起，故云：「即同本覺」。又「始覺」覺至心源時，始本相合，元無二致，故云：「即同本覺」也。（始覺：即始覺智，能覺之智。所覺：即本覺理）

◆可比喻本覺（性德）為電燈。當打開開關（猶如聞思修的熏習），電燈發出亮光，可比喻始覺智。始覺智一生起，就能看見電燈，此是所覺的本覺理體。

○始覺義者，依本覺故，而有不覺；依不覺故，說有始覺。

※《大乘起信論疏記會閱》指出「依本覺有不覺者，謂即此心體，隨無明緣，動作妄念，妄念即不覺也。依不覺故，說有始覺者，眾生迷而不覺，今因內外淨緣，方始覺悟。」

○又以覺心源故，名究竟覺；不覺心源故，非究竟覺。（心源：自性清淨心）

※《大乘起信論裂網疏》卷二云：「剋論藏識所有覺義，即是五別境中【慧心所】耳。此慧心所，亦全攬真如為體，故能攝一切法，生一切法。如外道凡夫諸人我見，凡外二乘諸法我見，即是【染慧】。如一切世間所有聰明善巧，即【無記慧】。如一切世間所有正見，即【有漏善慧】。如三乘所有生空智品，即【無漏慧】，亦名為【共般若】。如大乘所有法空智品，亦【無漏慧】，復名【不共般若】。

如諸佛所有四智心品，即【不思議慧】，亦名【無上菩提】。又加行無分別智，即是【有漏聞思修慧】。根本無分別智，即是【實慧】。後得無分別智，即是【權慧】。又因中照理，名【道慧】，照事名【道種慧】。果上照理，名【一切智】；照事名【一切種智】；又或照真，名【一切智】，照俗名【道種智】，照中名【一切種智】。如此種種異名，種種開合，皆是一慧心所，皆是此中所謂【覺義】；或但取無漏，乃名覺耳。」

※《大乘百法明門論直解》云：「慧者：於所觀境，簡別決擇，而為體性；斷疑而為業用。」

○此義云何？如凡夫人，覺知前念起惡故，能止後念，令其不起。雖復名覺，即是不覺故。

※《大乘起信論疏》指出「凡夫者，十信位人。覺知前念起惡故，謂【十信】以前，廣造身口惡業而不覺知。今入信位，能知惡業，定招苦報，故言【覺知】。此明覺於滅相義也。」

※《大乘起信論疏》云：「能知滅相，實是不善，故不造惡。名為雖覺，而猶未知滅相是夢，故云：不覺。此位但能止惡業，故云：【雖覺】，未覺煩惱，故云：不覺也。」